


(डोगरी)

# भजन यात्रा



-विजय शर्मा



पूज्य संत श्री सुभाष शास्त्री जी महाराज



विजय शर्मा  
१-६-२००१





# भजन यात्रा

(डोगरी)



विजय शर्मा

मीनाक्षी पब्लिकेशन्ज़

शिवा नगर, कटुआ—184 104

# BHAJAN YATRA

A collection of Dogri

Bhajans

By

**Vijay Sharma**

© लेखक

प्रकाशन ब'रा : 2001 ई०  
मुल्ल : 17 रुपेऽ  
प्रकाशक : मीनाक्षी पब्लिकेशन्ज़  
शिवा नगर, कटुआ-184 104  
प्रिंटर्ज़ : क्लासिक प्रिंटर्ज़ बाड़ी ब्राह्मणां, जम्मू।

नवेदन

इस पोथी च बचारें ते भावें लेई लेखक जम्मेवार ऐ

## समर्पण

परम पूज्यनीय, परम वन्दनीय, प्रातः स्मरणीय संत  
श्री सुभाष शास्त्री जी महाराज होरें गी सादर समर्पण  
जिंदे शीर्षाद कन्नै एह भजन यात्रा दा काफला चलेआ।

विजय शर्मा



## दो शब्द


सभनें शा पैहलै में परम तपस्वी संत श्री सुभाष शास्त्री जी महाराज हुन्दा धन्यवाद करनां जि'नें मिगी एह संग्रैह लिखने ताई प्रेरित कीता।

तुन्दी सेवा च एह मेरी (डोगरी भाषा च) पैहली पुस्तक “भजन यात्रा” आवा करदी ऐ, जेहदे च बस ई'यै समझो जे सन्तें दा गै शीरबाद ऐ मेरा अपना कोई पुरुषार्थ नेई। इस “भजन यात्रा” च किश भजन डोगरी गीतें दी तर्ज उप्पर लिखे गेदे न ते पाठकें दे मनोरंजन गितै किश हास्य रस ते होर रचनायें गी कठेरिऐ एह संग्रैह तेआर कीता गेदा ऐ। मेद ऐ, जे तुस एहदे च रौहने आलियें कमियें गी नज़र अन्दाज़ करदे होई इस “भजन यात्रा” गी जरूर पसन्द करगेओ तां जे एह काफला होर मता अगड़ा गै अगड़ा ब'ददा रवै।

विजय शर्मा

शिवानगर कठुआ

फोन : 35851



## पनछान

श्री विजय शर्मा होर डोगरी दे सुप्रसिद्ध कवि न ते विशेष करिऐ हास्य रस च इन्दा कोइ मकाबला नेई। इस "भजन यात्रा" संग्रह च अध्यात्मिक रचनायें दे अलावा होर बी मती सारिआं समाजिक रचनां न जिं'दे च हास्य रस दी झलक शैल चाल्ली लभदी ऐ। धार्मिक ते समाजिक कार्यक्रमें च इन्दा अकसर योगदान रौहन्दा ऐ। सन्तें ते महापुरुषें दी संगत कन्नै इन्हें गी बड़ा नंद औंदा ऐ। संगीत दा शैल ज्ञान होने करी इन्दी कविता च काफी मिठास ऐ ते लय ताल च जरा बी कमी नेई लभदी। इन्दे गै द्वारा रची दी एह "भजन यात्रा" पुस्तक लौके बड्डें सारें लेई बड़ी गै फायदामन्द साबत होग ऐसा मेरा शीरबाद ऐ।

कल्याणमस्तु

संत सुभाष शास्त्री

1. आर० एस० पुरा (दवलैहड़)

जम्मू

2. अखण्ड परमधाम नौनाथ

(घगवाल)

## तरतीब

1. सरस्वती बन्दना	7	22. बड़ी कल्याणकारी गै....	34
2. दुर्गा स्तुति	8	23. होश कर बन्देआ....	36
3. गणपति बन्दना	9	24. न्यांऽ....	37
4. गुरु देव प्रभु.....	10	25. देखो देखी...	40
5. जेहड़े नाम दी...	11	26. गरमी	43
6. ओ नरतन पाइऐ.....	12	27. संधूर	45
7. चेता तुसें की.....	13	28. मनुक्खता	48
8. कदें ते फेरा.....	15	29. शंगार	50
9. दिन जिंदड़ी दे...	17	30. बत्त	51
10. झूठ कपट छल....	18	31. मेरा बतन	52
11. झूठे खजाने मैहल....	20	32. रजौरी दी सैर	53
12. अन्त समें.....	21	33. मेरा शैहर कटुआ	56
13. पाप अत्याचार....	22	34. कृष्ण लीला	59
14. सैलड़िएं धारें....	23	35. शीशा	62
15. विशियें च सारी...	24	36. नमां लाड़ा	63
16. मूंह मंगा फल...	25	37. रावण	65
17. जिंदड़ी दा बार....	26	38. विद्यार्थी जीवन	67
18. कैलाश छोड़िए....	27	39. ननाथ	69
19. राजा हमाचल दे....	29	40. चाह	71
20. कित लेखै न एह....	31	41. कलयुगै गी बिनती	73
21. श्री रामचन्द्र जी....	33		





## सरस्वती बन्दना

देवी शारदा तुस वीणा दी ऐसी तान सनाओ मां ।  
अपने जोती सागर दे बिच मेरी जोत रलाओ' मां ॥

मंगल करनी, दुख दी हरनी सोभै हंस सवारी मां ।  
बेदें बिच थुआड़ी महिमा वीणा सोभै प्यारी मां ।  
साढ़े गीतें दे बोल्लें च सुर मिट्ठे तुस लाओ मां ॥

देवी शारदा तुस वीणा दी ऐसी तान सनाओं मां  
अपने जोती सागर दे बिच मेरी जोत रलाओ मां

तुस गै अम्बे, तुस गै दुर्गे तुस गै माता काली ओ ।  
तुन्दे रूप अनेकां माता तुस करदे रखवाली ओ ।  
में भी शरण थुआड़ी आया बिगड़ी मेरी बनाओ मां ॥

देवी शारदा तुस वीणा दी ऐसी तान सनाओं मां  
अपने जोती सागर दे बिच मेरी जोत रलाओ मां

दर तुन्दे औने उप्पर मां रौहन्दी कोई थोड़ नेई ।  
दर आयेंदे गी हे देवी मां तू खाली मोड़ नेई ।  
भौड़ें बिच्च फसीदी बेड़ी आइऐ पार टपाओ मां ॥

देवी शारदा तुस वीणा दी ऐसी तान सनाओं मां  
अपने जोती सागर दे बिच्च मेरी जोत रलाओ मां





## दुर्गा स्तुति

ए मेरी मां दुर्गे रानी तुस दुर्गती दा नाश करो ।  
 तुस नाश करो अन्याय दा हर थाहरे पर प्रकाश करो ॥  
 निशुम्भ-शुम्भ दी फौजे साईं पापें गी मां चूर करो ।  
 अपनी सुच्ची जोते कन्नै घोर अंधेरा दूर करो ॥  
 तुस दूर करो फिर विशियें गी मन मंदर बिच थां करो ।  
 तुस करो बसेरा हिरदे च ते उच्चा मेरा नां करो ॥  
 ए मेरी दुर्गे रानी मां तुस सारे जग दी बाल्ली ओ ।  
 तुन्दे रूप न्यारे माता तुस करदे रखवाली ओ ॥  
 प्हाड़ें जाड़ें धरती गासा तुन्दी महिमा सारी ऐ ।  
 शेर सवारी तुन्दी माता लीला बड़ी प्यारी ऐ ॥  
 हिरदे बिच्च ऐ तांहग थुयाड़ी कदें ते फेरा पाओ मां ।  
 अपने जोती सागर अंदर मेरी जोत रलाओ मां ॥  
 डोला करदी किशती मेरी करेओ बेड़ा पार ।  
 तुन्दे चरणें शीश झकांऽ में माता बारम्बार ॥





## गणपति बन्दना

तर्ज :- अज्ज लाम जित्ती घर आया सपाही मेरा डोगरा .....

देवें दे देव मनाआ गौरां दे सुत गणपति.....  
 जित्थे गणपत आई खड़ोदा-2  
 विघन नेई उस कम्मै बिच पौंदा -2  
 कारज उस दा सफल गै होंदा  
 दिकखेआं नेई बिसरी जाआं  
 गौरां दे सुत गणपती.....

चरणें सोभै मूष सवारी-2  
 महिमा दुनियां अन्दर सारी-2  
 शरन खड़ोते नर ते नारी  
 लड्डूएं दे भोग लोआयां  
 गौरां दे सुत गणपति.....

भगतें दी करदे रखवाली-2  
 भांजन गोदी भरदे खाली-2  
 शंकर दी लीला मतवाली  
 पुष्पें दे हार चढ़ाआं-2  
 गौरां दे सुत गणपति....

श्रद्धा नै जो शीश झकांदा-2  
 जय-जय-जय श्री गणपत गांदा-2  
 मूंह् मंगा ओह् फल फिर पांदा  
 जीवन सफल बनाआं  
 गौरां दे सुत गणपति.....





## भजन


गुरु देव प्रभु किरपा करिए, इक्क अरजी मेरी मंजूर करो ।  
हिरदै बिच बास करो, गुरुवर, नेई चरणें शा मी दूर करो ॥

जो पार टपांदी बेड़ी ऐ, दस्सो हां ओह लीला केहड़ी ऐ ।  
मझधार फसेदे साधक गी भवसागर पार हजूर करो ।  
गुरु देव प्रभु किरपा करिए, इक्क अरजी मेरी मंजूर करो  
हिरदै बिच बास करो, गुरुवर, नेई चरणें शा मी दूर करो ।

पल-पल पंजं भूत डरांदे न, उल्टै रस्तै मिगी पान्दे न  
जे करना ऐ दूर तां हे गुरुवर बिशिएं चा मिगी तुस दूर करो ।  
गुरु देव प्रभु किरपा करिए, इक्क अरजी मेरी मंजूर करो  
हिरदै बिच बास करो, गुरुवर, नेई चरणें शा मी दूर करो ।

मोहमाया दा जग सारा ऐ, स्वार्थ दा चिक्कड़ गारा ऐ  
मूर्ख अज्ञानी पापी दा पापें दा पटारा चूर करो ।  
गुरु देव प्रभु किरपा करिए, इक्क अरजी मेरी मंजूर करो  
हिरदै बिच बास करो, गुरुवर, नेई चरणें शा मी दूर करो ।





## भजन

जेहड़े नाम दी जोत जंगादे, बेड़ी पार टपान्दे न।  
हरि चरणें बिच मन चित लाइऐ, जीवन सफल बनादे न।

मीरां नै नाम दी जोत जगाई, गिरधर-गिरधर दी रट लाई।  
नाम दा प्याला पीने आह्ले, कदें वी नेई घबरान्दे न।  
जेहड़े .....

द्रोपदी नै नाम दी जोत जगाई, आइऐ प्रभु ने लाज बचाई।  
खुट्टी नीत ही जिं 'दी बिच्च सभा दे तरले पान्दे न।  
जेहड़े .....

भगत प्रहलाद दी दिक्खो भगती, पेश चली नेई हिरानकश दी।  
सच्चे भगतें गी परमेसर, सदा गलै नै लान्दे न।  
जेहड़े .....

करदे करम सदा जो गन्दे, आवागमन दे चक्कर खन्दे।  
पापी नरक पुरी बिच जन्दे, शास्त्र वेद गलान्दे न।  
जेहड़े .....

नाम दी जोत जगांदे जेहड़े, उन्दे कदें नेई डुबदे बेड़े।  
दुखें दे करिए दूर ओ न्हैरे, चानन पक्ख बनांदे न।  
जेहड़ .....



## भजन



तर्ज:- चम्बे दी ए डालड़िए ०.....

ओ नरतन पाइयै माहनुआ विशियें च नेईतूं गोआ ।  
जे सफल बनानी जिंदड़ी तां हरि चरणें चित्त ला ॥  
धर्मराजे दीआं जदूं आनियां न चिट्ठिआं ।  
नेकीआं गै तेरै कन्नै जानिआं न किट्ठिआं ॥  
बदियें गी नेई गल ला ।  
हरि-चरणें चित्त ला ॥  
सदा नेई ऊं रौहनिआं एह जोश ते जोआनियां ।  
खूसी-खूसियै नित्त खुशिआं बगानिआं ।  
पापें दी नेई पंड तूं बना ।  
हरि चरणें चित्त ला ॥  
पूजा-पाठ त्यागिए बदनीतिएं च डुल्ली गेआ  
बासनायें बिच्च बत्त बंदेआ तूं भुल्ली गेआ ।  
घरै बक्खी बिन्द फेरा पा ।  
हरि चरणें चित्त ला ॥  
आपूं गै प्रभु नै आइए बिगड़ी बनाइ देनी ।  
भवसागरै चा तेरी किशती ऐं टपाई देनी ।  
राम नाम दी तू रट ला ।  
हरि चरणें चित्त ला ॥





## भजन



तर्ज-लौका घड़ू चुक्क गोरिए.....

चेता तुसे की बसारे आ

शामा बलगादी कदूं दी ऐ बत्त ओऽऽ.....

गीता च आक्खेदा आना जरुर ऐ।

कलगी अवतार तुन्दा बड़ा गै मशहूर ऐ।

आइये करी जाएओ सुखना एह सच्च ओ ॥

चेता तुसें.....

हर कोई लहु ऐ दा गै प्यासा।

माह्नु बनी गेदा बे के आसा।

निर्दोषे दी बगादी ऐ रत्त ओ ॥

चेता तुसें.....

सुन्न मसुन्ने ठागर दोआरे।

माह्नु खडेरै मैहल चबारे।

भुल्ली गेदा ऐ जप, तप, नत्त ओ ॥

चेता तुसें .....

जीवन बेड़ी बन्नै लाओ।

इस नर्के चा पार टपाओ।

टुरी जा नेई कुतै जिन्द अवगत ओ ॥

चेता तुसें .....

रोन्दे न खेत्तर खलाड़े ते धारां ।  
 जम्मी पेदे न कैँस ह्जारां ।  
 इन्दी लाओ ठकानै मत्त ओ ॥  
 चेता तुसें.....  
 मुड़ि ऐ देसै गी सुरग बनाओ ।  
 चक्कर सुदर्शन ऐसा चलाओ ।  
 भुल्ली जा पापियेँ गी पंज सत्त ओ ॥  
 चेता तुसेँ .....



### चमुक्खा

गवै दी पिट्ठी पर डांग टकाइयै गल्ल करें तूं मंदी ।  
 सीमैँटै दे कीऽ शदाईआ रोज नोआलेँ नंदी ।  
 माऊ बब्बै दे पैरें गी जेकर तेल कदेँ तूं लाआ नेई ।  
 कित लेखै जे चरण प्रभु दे धोते बंदी बंदी ॥

## कीर्तन



कदें ते फेरा पाओ प्रभु जी, कदें ते फेरा पाओ ॥  
 अज्ज पराआ ज्ञान बनी गोआ ।  
 पाप-ताप परधान बनी गोआ ।  
 गीता ज्ञान सनाओ प्रभु जी ।  
 कदें ते..... ॥

थां-थां जम्मी गोदे राखश ।  
 रावण कुतै, कुतै हिरनाकश ।  
 नरसिंह रूप बनाओ प्रभु जी ।  
 कदें ते..... ॥

होई गोदी परबस्स सती ऐ ।  
 पापिये चुक्की लेई अती ऐ ।  
 लुटदी लाज बचाओ प्रभु जी ।  
 कदें ते .....

कर्म कान्ड कमजोर होई गोआ ।  
 हत्यारे दा जोर होई गोआ ।  
 इन्हें गी मार मकाओ प्रभु जी ।  
 कदें दे..... ॥

हुन नेई लभदे मक्खन मिसरी ।  
 दुध घ्यो सब गोदे बिसरी ।



मुड़ि ऐ रास रचाओ प्रभु जी ।  
कदें दे..... ॥

गमें छोड़े आ खाना सैला ।  
कोइ नेई लाड लडांदा पैह्ला ।  
मुरली दी तान सनाओ प्रभु जी  
कदें ते.....

गीता विच्च तुसें फरमाया ।  
हुन मता चिर की फिर लाया ।  
कलगी रूप बनाओ प्रभु जी ।  
कदें ते.....



### चमुकखा

छोहना नेई जे घार मरी जा सक्का फुफ्फड़ ।  
मोए दा खाई लैना भुन्नी-भुन्नी कुक्कड़ ।  
राखश बुद्धी लेइऐ जेहड़ा टुरी गेआ ।  
जमदूतें दे पौन्दे उप्पर जाई दमुक्कड़ ॥

## काफी



दिन जिंदगी दे रेइ गे न चार ।  
सतसंग कर बन्दे आ ।

रोज शंगारी अपनी काया ।  
अंत समै किश हत्थ नेई आया ।  
मनै दा कीता नेई शंगार ।  
सतसंग.....

चार चफेरे, काले न्हे रे ।  
बदल दुखे दे छाए घने रे ।  
बेड़ी फसी ऐ मंझ-धार ।  
सतसंग.....

पैंडा ऐ लम्मा, वत्त ऐ औखी ।  
मंजल नेई हुन थोनी सौखी ।  
होएआं नेई खज्जल खोआर ।  
सतसंग.....

जोश जोआन्नी रास नेई आई ।  
नैनं दी जोती बी होई ऐ पराई ।  
जीना होआ ऐ दरकार ।  
सतसंग.....

प्रभु चरणें चित्त लाने आहले ।  
सतसंग पुन्न कमाने आहले ।  
पलै बिच टुरी गए न पार ।  
सतसंग.....





## भजन



झूठ, कपट, छल छोड़ तू बन्देआ,  
 नेई तेरे कन्नै जाना ई।  
 नेकी दा लड़ फड़ी लै मड़ेआ,  
 जिसनै पार टपाना ई।

थ्होआतुगी अनमोल एह चोला,  
 करी छोड़े आं बरवाद नेई।  
 धन दौलत ते मैहल खजाने,  
 एह तेरी जायदाद नेई।

बैर बरोध कमाने दी तूं,  
 सदा जे करदा गल्ल रेहा।  
 कित लेखै जे रोज शिवे दे,  
 तूं खड़कादा टल्ल रेहा।

विषिएं च मौज बथेहरी मारी,  
 कदर दना नेई जान्नी।  
 आखिर जाना इक दिन बन्देआ,  
 एह दुनिया ऐ फान्नी॥

मरदे दम तक रौ खंदा पर,  
 होग कदे नेई रज्ज तुगी।  
 भुक्ख नेई रौह्नी दना बी जेल्लै,



लोहे दे पौने गज्ज तुगी ।  
 नेई थहोने तुगी हलवा पूड़े ,  
 नेई थहोना तुगी मददरा ।  
 मारी-मारी जमदूतें तुगी,  
 करी टकाना पददरा ।  
 निंदेआ चुगली करने दा तूं,  
 रेहा सदा गै आददी ।  
 बिलाबजा कीती अनमुल्ले,  
 वक्त दी तूं बरबादी ॥  
 करियै पास जमातां छड़िआं,  
 ज्ञान कदे नेई थहोदा ।  
 जीवन सफल बनादां जो,  
 सन्ते दी संगत रौंहदा ।



## भजन

झूठे खजाने मैहल ते कन्नै अटारियां ।  
पान्दे न म्हे शां रव्व गी फकीर बन्देआ ॥

होन्दे न म्हे शां दुख गै नसीब उसगी ।  
मन्नै नेई जेहड़ा देव, गुरु, पीर बन्देआ ॥

मिट्टी शा बने खीर सब मिट्टी च रली गे ।  
कुत्थै न भीमसैन जनेह बीर बन्देआ ॥

आवागमन शा छुड़कदा नेई शख्स ओह् कदें ।  
माया लेई जो बदलदा ज़मीर बन्देआ ॥

बुरा करने शा पैहलैं तू दना बचार कर ।  
जन्दा नेई किश बी कन्ने ऐ आखीर बन्देआ ॥

करना जे कतल चाहनां ऐं तां बिशियें दा कर कतल  
निर्दोषें उप्पर चुक्क नेई शमशीर बन्देआ ॥

जिस दा गमान करना ऐं तूं पोची पोचीऐ ।  
ओह् नाशवान ऐ मूर्खा शरीर बन्देआ ॥

गुरुएं दे चरण पकड़ ते संतें दी शरण आ ।  
बदली पलै च जाग फही तकदीर बन्देआ ॥

शीशा मनै दा साफ कर जे दिकखनी ऐ तूं ।  
नर-नर च नारायण दी तस्वीर बन्देआ ॥



## भजन



अन्त समें जेह्दे मूँहा चा नेई गलोंदा हरि हरि ।  
प्राण त्यागै ओह् बन्दा जमदूतें कोला डरी-डरी ॥

लक्खां भामें दान करै कोई पूजा पाठ ते बरत करै ।  
लाइऐ नारे राम नाम दे कट्ठा अम्बर धरत करै ।  
कित लेखै जे मन पापें दा लेआ खजाना भरी-भरी ।  
प्राण त्यागै ओह् बन्दा जमदूतें कोला डरी-डरी ॥

माता पिता दे गुरुयें दा नेई जिन्नै कीता मान कदें ।  
मनै दे अन्दर कु'न बैठेदा नेई कीती पन्छान कदें ।  
पैहलें मारे डाके पिच्छुआं आवै तीर्थ करी करी ।  
प्राण त्यागै ओह् बन्दा जमदूतें कोला डरी-डरी ॥

नेई मरोंदा जिस कोला मन ओह् जीन्दा गै मोएदा ।  
लक्ख चरासीं अन्दर म्हेशां ओह् रौहंदा पलचोएदा ।  
गोते खन्दा नेई टपोंदा जीवन सागर तरी तरी ॥  
प्राण त्यागै ओह् बन्दा जमदूतें कोला डरी-डरी ॥

ओह् दिक्खो प्रहलाद भगत नै सच्ची जोत जगाई ही ।  
मनै दे मंदर अंदर मूर्त हरि दी शैल सजाई ही ।  
खीर पतन पापें दा कीता हरि नै लीला करी करी ।  
प्राण त्यागै ओ बन्दा जमदूतें कोला डरी-डरी ॥





## भजन



पाप अत्याचार चुक्का, राखशें दा नास लब्भा ।  
 साधुएं ते जोगिएं दा, मुड़ी मुड्डा वास लब्भा ॥  
 कूबरी गी रूप लब्भा, नंद जी गी लाल लब्भा ।  
 कंस कन्नै पूतना गी अपना गै काल लब्भा ॥  
 वृन्दावन च रास कीती, गोरु मां दी पाल कीती ।  
 गेंद जमुना सुट्टने दी जानी बुज्जी चाल कीती ॥  
 इन्द्र दा अहंकार भन्नेआ, गोबर्धन प्हाड़ धारी ।  
 नत्थेआ फही नाग काली बिच्च जमुना छाल मारी ॥  
 पांडबें दे बिच्च रलियै कौरवें गी हार दित्ती ।  
 शिशुपाल गी चक्करै सुदर्शनै दी मार दित्ती ॥  
 द्रोपदी दी लाज रक्खी राधिका गी प्यार लब्भा ।  
 अर्जुनै गी युद्ध दे मदान गीता सार लब्भा ॥  
 जद कदें बी धर्म लुटदा जां भगत लाचार होंदा ।  
 बिच्च भारत फही तंदू गै कृष्ण दा अवतार होंदा ॥





## भेंट

तर्ज :- सैलीयां धारां कनै पौंदिआं फोहारां.....

सैलडिअं धारें बिच्च गुफा दा नजारा ।

ओ असें दिक्खने गी पुज्जी जाना माता जी दा द्वारा ॥

उच्ची-उच्ची धारें पर बदलू घनोतेदे ।

लम्मे-लम्मे बूहटे अद्ध गास जाइऐ छोतेदे ।

दूरें पारें सुनचन जित्थै गांदियां गतारां ॥

आं असें दिक्खने .....

नच्ची-नच्ची खुशिअं च मोर पालां पादे ।

ठंडे मिट्ठे नाड जित्थै गीत गांदे जा दे ।

निक्की-निक्की कंजकां सोभन लांदिआं कतारां ॥

ओ असें दिक्खने .....

बच्चड़े गी अपने मां भुल्ली नेई जाआं ।


भौड़ें बिच्चा खिच्चिऐ मां पार मी टपाआं ।

तेरे मिट्ठे गीतें गी में लिखिऐ सोआरां ॥

ओ असें दिक्खने .....



## भजन



तर्ज:- ना डाली ना पत्तर मेरे में बूहटा बेगौरा -  
 विशियें च सारी, उमर गजारी,  
 दिक्खेआ कदें नेई सबेरा  
 कल्याणी किरनें गी लेइऐ  
 आया गुरु देव मेरा.....आया.....

नर शा नारायण आह्ला पाठ जो पढ़ांदा ।  
 साधकें गी मुक्ति आहली बत्ता जो पांदा ।  
 ज्ञान दी जोत जगाइयै मनै चा ।  
 करदा ऐ दूर जो न्हेरा ॥  
 कल्याणी.....

बिन गुरु ज्ञान जोती मनै दी बलै नेई ।  
 बेड़ी भवसागर बिच अगड़ी चलै नेई ।  
 हर जीव दा जो, जग चा मकांदा ।  
 जून चरासीं दा फेरा ॥  
 कल्याणी किरनें .....

दुनिया च जालो खाला कदें नेई सतांदा ।  
 सन्तें आहली संगती जो नित्त चित्त लांदा ।  
 स्वार्थ बेल्लै, बनदा दिक्खेआ,  
 नाता साक बत्थेरा  
 कल्याणी किरनें.....







## भजन

तर्ज:- गोरीनिकली अन्दरै दाते बिजली चमकी .....

मूँह मंगा फल पांदा जा, ते दर दाती दे औंदा जा ।

झट्ट जाग दाती तुगी बौहड़ी ।

चढ़दा जा तू पौढ़ी-पौढ़ी ।

जय जयकार बालान्दा जा ।

ते दर दाती..... ॥

पत्तर-पत्तर टाल्ली-टाल्ली ।

कण-कण बसदी शेरें आहली ।

धूड़ मत्थें गी लान्दा जा ।

ते दर दाती.....

फिरदा रौहगा जून चरासी ।

होग नेई तेरी कदें खलासी ।

आवागमन मकांदा जा ।

ते दर दाती.....

उट्ठ सेबला, अमरत बेल्ला ।

पान सपारी, ध्वजा नरेला ।

मां दी भेंट चढ़ांदा जा ।

ते दर दाती.....

जोत अखंड जगै दिन राती ।

मेहर करै सभनें पर दाती ।

चरणें शीश झकांदा जा ।

ते दर दाती.....



## भजन



तर्ज:-मिट्ठड़ी ऐ डोगरें दे बोली.....  
 जिन्दड़ी दा बार नेई ऊ कोई ते राम नाम बोल माहनुआ  
 झूठ मैल गोलीऐ ते मंदे बोल बोलियै  
 माहनुये दी जूनी बिच्च आनिए ते  
 जिन्द नेई तूं रोल माहनुआ  
 ओ जिन्दड़ी दा.....

बड़े-बड़े पापियें गी राम नाम तारदा ।  
 सच्चे मनै कनै जेहड़ा बाज उसी मारदा ।  
 राम गी नेई थाहर-थाहर तुप्प तूं  
 राम तेरे कोल माहनुआ ।  
 ओ जिन्दड़ी दा.....

विशियें ते विकारें दी अगग रेहा सेकदा ।  
 मोहमाया अगगें तूं रेहा मत्थे टेकदा ।  
 आई पुज्जा चौथा हून बेल्ला ।  
 तूं अक्खिएं गी खोल माहनुआ ॥  
 ओ जिन्दड़ी दा.....

हरी दे बगैर तुगी लभना कोइ होर नेई ।  
 कालबली अगगें तेरा कक्ख चलै जोर नेई ।  
 पाप दी मधानी कनै हीरे जेही काया ।  
 गी नेई छोल माहनुआ ॥  
 ओ जिन्दड़ी.....



## भजन



तर्जः—मित्तरा बलौरिआ, मिली जाआं चोरिआ.....

कैलाश छोड़िऐ, आई जाआं दौड़ियै।

दर्शनें गी चित्त कमलाऽ भोलेआ।

आऽ.....भोलेआ ॥

जैहर पीने आहलेया तूं अमरत पलानां ऐं-2।

पापीऐं गी बी में सुनेआ पार तूं टपान्ना ऐं-2।

मेरी बी तूं बेड़ी बन्नै लाऽ भोलेआ।

आऽ.....भोलेआ।

कैलाश छोड़िऐ.....

ब्रह्मा गी तूं बेद दित्ते, काम धेनु इन्द्र गी-2

लैंका दित्ती राबनै गी, धनुष राम चन्द्र गी-2

साहड़ी बी तूं गोदा खैर पाऽ भोलेआ

आऽ.....भोलेआ ॥

कैलाश छोड़िऐ.....

बिशिएं ते बकारें बिच्च सारे अज्ज पेई गे-2।

मोहमाया दी नीदरें च, सारे अज्ज सेई गे-2।

आनिए इ'नें गी तूं जगाऽ भोलेआ।

आऽ.....भोलेआ।

कैलाश छोड़िऐ.....



कर्म कान्ड, पाठ पूजा, जप तप मुक्की गे-2।  
मनै दे बगीचे आहले रुक्ख सारे सुक्की गे-2।  
ज्ञान गंगा जल तूं पलाऽ भोलेआ।

आऽ.....भोलेआ ॥

कैलाश छोड़िऐ.....

किरपा करी जा जेहड़ी लब्धी शिवरात नेई-2।

टप्पी गई बरेस मेरी पुच्छी कुसै बात नेई-2।

नैनं आहले सुक्की गे तलाऽ भोलेआ।

आऽ.....भोलेआ ॥

कैलाश छोड़िऐ.....

दर्शनें दी आस लेइयै मल्लेआ शबाला ऐ-2।

तेरे नाम दी गै शम्भू फड़ी अज्ज माला ऐ-2

डम-डम, डमरू बजाऽ भोलेआ।

आऽ.....भोलेआ।

कैलाश छोड़िऐ.....



## भजन



तर्जः—कालेआ बे मोरा.....

राजा हमाचल दे चली पेइयै शिवें दी बरात ॥

मड़िएं दी पिन्डे उप्पर भस्म रमाइयै

फिनगर गलै बिच्च चाएं-चाएं पाइयै।

भूतें चड़ेलें दा अगें-अगें नचोंदा नाच।

राजा हमाचल.....

हर कोई खुशियें दे बिच्च गै बतोएदा।

अक्क धतूरे कन्नै नंदी लदोएदा।

गौरां दे प्यौकिएँ गी थ्होई जानी ऐ शैल सगात ॥

राजा हमाचल.....

सप्प विच्चूं न कन्नै-कन्नै घमूड़िआं।

लाइआँ करौंकलें बी प्रीतां न गूड़िआं।

रली मिली ऐ भून्डें बी कीती ऐ किट्ठड़ी जमात ॥

राजा हमाचल.....

डारै कन्नै छप्पी गेदे सारे न अन्दर।

शैहर बजार खाली होई गे न मंदर।

चढ़ी गेआ जयानें गी सूंकी सूंकियै दिक्खो अज्ज ताप ॥

राजा हमाचल.....

डम-डम-डम-डम डमरू बज्जादा।

बिगल डरौना बी बिच्च-बिच्च गज्जादा।

फक्कड़ बनी गेदा अज्ज त्रेई लोकी दा नाथ॥

राजा हिमाचल.....

जानी बुझिऐ लीला शिवें रचाई ऐ।

भक्तें दी लाज सदा प्रभु नै बचाई ऐ।

सच्चे हिरखै कन्नै जेहड़ा करी लैन्दा ऐ याद॥

राजा हिमाचल.....



### चराग

शिव शम्भू बम भोले दी बड़ी गै नोखी बात।

जन्म दिन होन्दे सब्भनैं दे पर एहदी शिवरात।

आइऐ एह उस रात ज्ञान दी लोऽ जगांदे।

“भूतनाथ” पंज भूत, माहनू शा दूर नसां दे॥





## भजन

तर्जः—जम्मू दीआ कंढिआ बरखा लग्गीदी.....प

कित लेखै न एह तन गोरे-गोरे।

मन बिच्चा न जेकर काले।

ओ सोची लै, मन बिच्चा न जेकर काले।

जन्म तेरा बिरथा गेआ ॥

कित लेखै.....

सत्संग बिच्च बी तू आइयै बन्देआ-2

करदा रेहा नित्त चुगली निंदेआ-2

मूहें गी मारे नेई ऊं ताले

ओ सोची लै, मूहें गी मारे नेई ऊं ताले

जन्म तेरा बिरथा गेआ ॥

कित लेखै.....

गेई जोआन्नी आया बड़ापा

कीता हा जिन्दे लेई इन्ना तूं सेआपा

हड्डें दे बने जालो खाले

ओ सोची लै, हड्डें दे बने जालो खाले

जन्म तेरा बिरथा गेआ ॥

कित लेखै.....

बेहलिएं गल्लें बिच्च उमर गोआई  
 ध्यान दी धूनी कदें भुल्लियै नेई लाई  
 काल देआदा तुगी आले  
 ओ सोची लै, काल देआदा तुगी आले  
 जन्म तेरा विरथा गेआ ५५ ॥  
 कित लेखै.....



### हिरख

ऊ'आं ते हिरख करने लेई सारी दुनियां गै रोंदी ऐ।  
 पर सच्चा हिरख करने दी अदा किश होर होन्दी ऐ।  
 रुकमनी, सत्य भामा दी ते कोई गल्ल नेई करदा।  
 सदा घनशाम दे कन्नै दिक्खो राधा पूजोंदी ऐ॥

## भजन



श्री रामचन्द्र जी मन मन्दरै बिच्च बास करो ॥  
 जिस चाल्ली बजरंग बली हे-2  
 मिगी बी आपने चरनें दा तुस दास करो ॥  
 श्री रामचन्द्र जी.....

जिस चाल्ली तुसें तारी अहिल्या-2  
 चमत्कार ओह मेरे नै बी खास करो ॥  
 श्री रामचन्द्र जी.....

पंज तत्त ते पुतले बिच्चा-2  
 दुष्ट बकारें दा तुस आइयै नास करो ॥  
 श्री रामचन्द्र जी.....


कृष्णा रूप बिच्च आइयै प्रभु जी-2  
 मुरली दी तान सनाइयै मुड़ियै रास करो ॥  
 श्री रामचन्द्र जी.....

जन्म-जन्म दी में आं पापन-2  
 दोष माफ करो मेरे नेई चित्त दोआस करो ॥  
 श्री रामचन्द्र जी.....

दो हत्थ जोड़ियै करां बस बिनती-2  
 मेरे गरीबनी दे नेई अज्ज खज्जल सोआस करो ॥  
 श्री रामचन्द्र जी.....







## गुरु महिमा

तर्जः—बैहर कब्बाली

बड़ी कल्याण कारी गै, मेरे सतगुरू दी बाणी ऐ।

इयै अमरत दी बर्खा ऐ, इयै गंगा दा पानी ऐ॥

पढ़ो तुस पाठ गीता दे, जां बाचो नित्त रामायण।

बिना गुरू ज्ञान जोती दे, समझ किश बी नेई आनी ऐ।

बड़ी कल्याण कारी.....

गुरू जी दा बाक्य गै बस सार ऐ, केइयें ग्रन्थें दा।

बिना गुरूदेव किरपा दे, दरिद्रता नेई जानी ऐ॥

बड़ी कल्याण कारी.....

तजो तुस कम्म दुनियां दे, मेरे गुरूदेव औने न।

में बता सेज फुल्लें दी, गुरूबर लेई बछानी ऐ॥

बड़ी कल्याण कारी.....

करो कीर्तन, करो कीर्तन, करो कीर्तन, करो कीर्तन।

बिना कीर्तन दे एह अनमोल, बिरथा जान जानी ऐ॥

बड़ी कल्याण कारी.....

करो गुरूदेव दे अनमोल, बचनें पर अमल सारे।

तुसें भबसागरै चा पार, जे बेड़ी टपानी ऐ॥

बड़ी कल्याण कारी.....

सुखें दी आस थोड़ी दे, दुखें दा जाल दुनियां ऐ।  
 गुरू चरनें च गै तेरी, एह जिंदड़ी मुस्करानी ऐ॥  
 बड़ी कल्याण कारी.....

गुरू ब्रह्मा, गुरू बिशनू, गुरू गै रूप शैंकर दा।  
 गलांदे बेद शास्त्र न, गुरू महिमा परानी ऐ॥  
 बड़ी कल्याण कारी.....



## चरित्तर

लिस्से उप्पर भारू होन्दा ऐ भलोआ'न।  
 गरीब गुरबै उप्पर भारू होन्दा ऐ धनबान।  
 अनपढ़ मूरख उप्पर भारू होन्दा ऐ बिदवान।  
 इ'नें त्रौनेंई काबू करदा सदा चरित्तर बान॥

## भजन

तर्जः—(लोक गीत) आयां बो ललारिआ.....

होश कर बन्देआ, की डिग्गनां ऐं दन्देआ।

फैसला कर सोची बचारी।

मनुक्ख जूनी नेईं ऊं लब्भनी ॥ टेक०

प्रभु उप्पर छोड़ी दे, बिशिऐं शा मूंह मोड़ी दे।

लीला जेहदी जग बिच्च ऐं न्यारी।

न्यारी, जूनी नेईं ऊं लब्भनी ॥ टेक०

डिगदें दी गल लान्दा जा।

हिरखी फुल्ल बछान्दा जा।

बनी जा हां प्रेम दा पुजारी।

मनुक्ख जूनी नेईं ऊं लब्भनी ॥ टेक०

पर उपकार कर।

भव सागर पार कर।

जीवन दी बेड़ी तारी-तारी।

मनुक्ख जूनी नेईं ऊं लब्भनी ॥ टेक०

धूनी लाईं लै ध्यान दी।

गल्ल सुनी लै ज्ञान दी।

सतसंग दी तूं करी लै तेआरी।

मनुक्ख जूनी नेईं ऊं लब्भनी ॥ टेक०





## न्यांऽ

केहड़े जन्में तू बदला एह लेया ऐ।

दस्स हां परमेसरा न्यांऽ एह कनेहां ऐ।

जां तूं मीर ते गरीब नेई ऐ जाचेदा।

जां तेरा दफ्तरी रकार्ड ऐ गोयाचेदा।

जां तुम्मी रक्खेदा ऐ पुत्र कोई चाचे दा।

दिखदा गै रौंहदा जेहड़ा मामा ते भनेया ऐ॥

दस्स हां.....

बेई गेदा आपूं ऐं शपैलिए तूं मृहें गी।

दाजै गितै फूकादी ऐ सस्स इत्थै नृएं गी।

भेजाना ऐं की इत्थै इ 'यै नेइएं रूहें गी।

लभदा नेई कोहटे हत्थ भेजां तुई सनेया ऐ॥

दस्स.....

रक्खेदे न बड्डें-बड्डें कन्नै ताल मेल तूं।

मातडें गरीबें गी सुट्टेदा ऐ जेल तूं।

जानियै भ्रावा नेई कड्ड माढ़ा तेल तूं।

हड्डिणं दा ढांचा हून बस इत्थै रेहा ऐ॥

दस्स.....

तेरे कन्नै मेरा बस्स रोह रोमा इन्ना ऐ।

भुक्खेंदे गी छोड़िऐ तूं रज्जेंदे गी दिन्ना ऐं।

केहड़ी गल्ला पाएदा तूं साढ़े कन्नै छिन्ना ऐ।  
उठदे ते बाँहदे असें नां तेरा लेया ऐ॥

दस्स.....

रोई-रोई अज्ज साढ़ी रेही गई अक्ख ऐ।  
तेरे पिंडे उप्पर फही बी फरकी नेई मक्ख ऐ।  
इक्क-इक्क लाल तेरा होई गया बक्ख ऐ।  
माहनू गी माहनू अज्ज बड्डने गी पेया ऐ॥

दस्स.....

डराना ऐं तू सभनें गी आपूं बी त्राई जाएं।  
जे कदे इक्क बारी धरती पर आई जाएं।  
जलमे जलूस ते हड़तालां तू कराई जाएं।  
बाह तेरा लोके कन्नै कदे बी नेई पेया ऐ॥

दस्स.....

दिन्ना एं फाड़िऐ छप्पर आखदा एह जग ऐ।  
मेरे कोठे उप्पर फही बी सक्खना गै मग ऐ।  
इक्कै गल्ल सोची-2 बेई गेदी झग ऐ।  
किन्ना कचिर जीना हून साढ़ा इत्थै रेया ऐ॥

दस्स.....


जिन्नी सारी तेरे कोल खुशिऐं दी खंड ही।  
आंबडें दे हत्थ तूं फड़ाई दिती गंड ही।  
द 'ऊं-द 'ऊं हत्थें कुसै भरी लेई पंड ही।  
कुसै दे हत्थै च रेहा फुलका गै बेया ऐ॥

दस्स.....

किन्ना चिर धूफें दे में सीने रेहा साड़दा।  
मारी-2 फूकां में सँख रेहा पाड़दा।

जे किछ जुड़ेया में रेहा तुगी चाढ़दा ।  
सुखनें दा मैहल मेरा फही बी अज्ज ढेया ऐ ॥  
दस्स.....

गीता बिच्च आक्खेदा आना तूं जरूर ऐ ।  
“कलगी” अवतार तेरा बड़ा गै मशहूर ऐ ।  
कड्डी लैआं तुम्मी इत्थै आपना फतूर ऐ ।  
ऊऐ तेरा नां लैग जि'सी तूं फेआ ऐ ॥  
दस्स.....





## देखो-देखी

देखो देखी करदे सारे भला जमाना आया ।  
 चाचा अंकल, मामा अंकल कन्नै अंकल ताया ॥  
 आन्टी-आन्टी आखन सारे चाची मामी भुल्ले ।  
 ओ० के०, बाई-बाई, टा-टा, दिक्खो चार चफेरै झुल्ले ।  
 डिस्को करदे नच्चन माहनू गीत विदेशी गाया ।  
 देखो देखी.....

झुंड गोआड़िऐ नच्चन नूहां मर्दे चेहरे खट्टे ।  
 जोआन केह् दस्सां बुड्डियें बी अज्ज मुन्नी ले परबट्टे ।  
 कुदरत दी कोई चीज बी औंदी इन्हें गी नेई पसन्द ।  
 तां गै विऊटी पार्लर आलेई बज्जी गेदा नंद ।  
 सुहागनें बाल कटाइऐ छोड़े खक्खरा सिरें बनाया ॥  
 देखो-देखी.....

गंदे-गंदे सिलमें दिक्खो बेड़े छोड़े रोहड़ी ।  
 बिन लामा लैतेदे इत्थै फिरदी लभदी जोड़ी ।  
 कोई बनेदा संजय दत्त ते कोई बनीदी हैलन ।  
 कोई बचारा मातड़ लेइऐ फिरादा खाली गैलन ।  
 गैस दा केह् स्यापा दस्सां तेल बी नेईऊ आया ॥  
 देखो-देखी.....

पैरीपौणा कुसै नेई भाखा, भाखा पौना हत्थें ।

कक्ख असर नेई करना इत्थै बीरगती दिये कत्थें ।  
कोका कुड़ि ऐं छोड़े आ पाना जागते कन्न से आया ॥  
देखो-देखी.....

कामदेव नै दुनिया अंदर लाया कैसा डेरा ।  
धर्म शर्म ते लोक लाज गी सैंख बजाया केहरा ।  
कोई बनेदा पोपोलाड़ी बनेदा कोई टटूआ ।  
कुसै कोआरै बिंदी सुखीं होठेई कीता सूहा ।  
धीऐं भैनें चादर छेकी भलेआं नर्क बनाया ॥  
देखो-देखी.....

रिश्तेदार होऐ कोई भामें जिन्ना मर्जी खास ।  
कुसै दे उप्पर बी नेई रेहदा रत्ती भर विश्वास ।  
सतबैंत्ती ऐ नार अपनी गप्पें लेई बगान्नी ।  
मौका लगौ तां बुड्डेई बी जंदी चढ़ी जोआन्नी ।  
घर-घर बी०सी०आर०नै रौहदा खौंदा कम्म मकाया ॥  
देखो देखी.....

घ्यो बगादा थाहरे-थाहरे अगग करादी जोर ।  
देश पवादा इस घ्यो ऐ ते अग्गी नै कमजोर ।  
सारे मिलिए सोच करो ते करो नमां कोई हीला ।  
जेह्दे कन्नै जा बदली इस देशै दी एह् लीला ।  
सुन्ने दी इस चिड़ी दा करेओ भलेआं नेई सफाया ॥  
देखो-देखी.....

छोड़ मना तू जालोखाला छोड़ी दे तू झूरा ।  
अग्गे-2 होना केह् ऐ दिखदा रौह दूरा ।  
कोहदे अग्गे रोना दस्सो कुसगी हाल सनाना ।

तंद होऐ तां सोचै कोई बिगड़ी गेदा ताना ।  
टंडरी गेदे बुड्डें बी अज्ज “मैरिज-डे” मनाया ।  
देखो-देखी.....

लुत्त कडुत्ती में नेई भाखी गल्ल सनानां कोरी ।  
रीढ़ दी हड्डी होऐ ठीक तां जिन्द नेई होन्दी दोहरी ।  
नेई होन्दा गै तीला-तीला पुखेँ दा सरमाया ।  
देखो-देखी.....





## गरमी

कामदेव दे चेले बनियै बन्नेआ लक्क बशर्मी दा ।  
जालीदार पशाकां पाइऐ ब्हान्ना करदे गरमी दा ॥

जनता दी नजरें बिच्च पाने गितै उच्चा दर्जा गै ।  
भामें चुड़्डू खसमै दे सिर रवै चढ़ेदा कर्जा गै ।  
कदें वी कीता ख्याल इन्हें नेई घरै दी सरसी नरमी दा ॥  
कामदेव.....

लुच्चा गै कलजुग दे अन्दर सभनें कोला सुच्चा ऐ ।  
इन्दा गरमी आह्ला पारा म्हेशां रौहदा उच्चा ऐ ।  
नत्त बरत नेई इन्हें गी भाखे पता नेई म्हीने धर्मी दा ।  
कामदेव.....

कुसै गी गरमी खा करदी ते कोई गरमी खा करदा ।  
देशै गी लुट्टने गितै माहनू फन्दे लक्ख बछाकरदा ।  
रेहा पुजोंदा जो हा बिसला सप्प परानी बरमी दा ।  
कामदेव.....

इस्सै गरमो गरमी नै केइएं दे घर जोआड़े हे ।  
रंड मरंडे रेई गे फिरदे नमे समे जो लाड़े हे ।  
पैहली पिच्छें लग्ग रेही सुख थ्होआ नेईदूई बतरनी दा ॥  
कामदेव .....

कदें करो नेई मैला मत्था कदें करो नेई गुस्सा जी ।  
मेकअप दी लोड़ नेई रौहन्दी रंग नेई फिरदा भुस्सा जी ।  
नां गै बल्लड प्रैशर होन्दा रोग नेई लगदा हरनी दा ॥  
कामदेव.....

संत गलान्दे गुस्सा गरमी उमर घटान्दे बन्दे दी ।  
साफ करो तुस अगला रस्ता फिकर करो तुस धंदे दी ।  
इ 'थै अज्ज संकल्प करो तुस सच्चाई दी बरनी दा ॥  
कामदेव.....

गरमी सरदी केह् भाखी जिस मारी ज्ञान दी वुक्कल ऐ ।  
मूरख ते अज्ञानी थां-थां कड्ढदा रौहन्दा हुक्कल ऐ ।  
खीर भुगतना पौन्दा फल हर कुसै नै अपनी करनी दा ॥  
कामदेव.....



## संधूर

बीयावान जाडै दे अन्दर इक्क गजासुर रौहन्दा हा ।  
 बजरंगी दी भक्ति बिच्च नेई खन्दा पीन्दा सौंदा हा ॥  
 बैठे-बैठे नारद जी दे गल्ल मनै बिच्च आई ।  
 गणपत हनमत बैठेदे की दूर-दूर दोऐ जाई ॥  
 गणपत जी दे मैहलें जेइऐ पैहलै अलख जगांदे न ।  
 बंकासुरै दे पुत्रै आहली सारी गल्ल सनांदे न ॥  
 बजरंगी नै जे भक्ति दा फल देई ओड़ेया हत्था ।  
 तां गणपत जी कोई लगा नेई तुसेंगी टेकन मत्था ॥  
 इन्नी गल्ल गै सुनदे उन्दे क्रोध मनै बिच्च बली पेआ ।  
 लेइऐ शस्त्र हत्थ गजानन गजासुरै बक्खी चली पेआ ॥  
 नारायण-नारायण करदे नारद जी गे लंगी ।  
 दूर गुफा दे अन्दर जित्थै रौहन्दे हे बजरंगी ॥  
 हत्थ जोड़िऐ हनमत बोल्ले नारद जी फरमायो ।  
 आसन ग्रैह्ण करो मुनिवर जी ठंड कलेजै पाओ ॥  
 गल्ल सुनो तुस पैहलै हनमत नारद जी फरमान लगे ।  
 गणपत गजासुरै दा किस्सा सारा पढ़ी सनान लगे ॥  
 महावीर जी अपने भक्तै दी तुस जान बचाई लैओ ।  
 गजासुरै गी गणपत दे हत्थें चा तुस छड़काई लैओ ॥



पवन पुत्र नै गुरज फेरिऐ ऐसा मारेया पासा ।  
 राम नाम दा लाइऐ नारा भरी डोआरी गासा ॥  
 अक्ख झमकदे सार तपोवन गजासुरै दा आई गेआ ।  
 बजरंगी दे नैनं अग्गे क्रोध दा न्हेरा छाई गेआ ॥  
 गजासुरै नै दिक्खेआ जिसलै फुल्ल मनै दा खिड़ी पेआ ।  
 पवन पुत्र दा गणपत कन्नै युद्ध भयंकर छिड़ी पेआ ॥  
 इधर बजरंगी दी दुम्बा बिच्च गणेश घटोई गे ।  
 उधर गणपत दी सुण्डा बिच्च बजरंगी मरडोई गे ॥  
 हार कुसै दी नेई होंदी एह् दोऐ बीर बरदानी ।  
 महाबीर ते महाबली दी इ'यै इक्क नशानी ॥  
 गुर्ज-परीखा कन्नै धरती लहुऐं बिच्च भरोची ।  
 बजरंगी नै नैखर मारी-मारी गणपत छोड़े पोची ॥  
 सने जड़े परतोंदे लभदे उस जाडै दे बूहटे ।  
 सुक्क मसुक्के होई गए सारे पानी आह्ले सूटे ॥  
 काया सारी पलट होन लेई पेई जिसलै उस जाडै दी ।  
 नारद जी नारायण करदे चले हिमालय प्हाड़े गी ॥  
 मुनिवर बोले शंकर जी तुस इत्थै मौज मना करदे ।  
 धरती उप्पर बालक तुन्दे हाहाकार मचा करदे ॥  
 उमा संग तुस हे त्रिपुरारी शिवजी भोलेनाथ चलो ।  
 धरती उप्पर होन लगा जे बड़ा भयंकर नाश चलो ॥  
 बम-बम करदे महादेव जी उमा संग जाई पुज्जे ।  
 कैसे नारद जी नै दिक्खो तीर चलाए गुज्जे ॥

पार्वती नै चंड गूरियै गणपत जी समझाया ।  
 शंकर जी नै हनुमान जी फड़ी गलै नै लाया ॥  
 नंदी सिङ मिट्टी बिच्च मल्लिऐ ऐसा फेरा पाई गोआ ।  
 बिजली आंगर दौने योद्धे बिच्च मझाटै आई गोआ ॥  
 नारद जी दी गल्ले नै तुस दोए जने भरमोई गो ।  
 बिना बचारे क्रोध मनै बिच्च लेइऐ तुस पलचोई गो ॥  
 मां दा सदा रेहा दिल कोमल दिक्खियै नेई जरोआ ।  
 लहू लोहान होए दे दिक्खी नैनै नीर भरओआ ॥  
 झट्ट संधूर सिरा दा लेइयै ज़ाखमें उप्पर लान लगी ।  
 शंकर जी दे अंश दोऐ तुस बिचली गल्ल सनान लगी ॥  
 इस्सै गल्ला नारद जी नै एह्का खेल रचाया ।  
 सामधाम दौनें जी करिऐ सारा भर्म मकाया ॥  
 गल्ल सुनी सारी जेल्लै तां अस्त्र-शस्त्र छुड़की गो ।  
 बिच्च मनै दे खुशिये कन्नै मोर अनेकां उड़की पे ॥  
 महावीर गणपत आपूं चे घोटिऐ जफ्फियां पांदे न ।  
 बीतीदी गल्ले कोला ओह् मता-मता पछतांदे न ॥  
 खुशी-खुशी उस बेलै दौनें इ'यै दित्ता हा बरदान ।  
 जो बी मलग संधूर असें जी होग नोआड़ा गै कल्याण ।  
 चंगिएं गल्ले कोला मड़ेआ कदे नै तू शर्मायां ।  
 तेल संधूरै कन्नै हनमत गणपत रोज मनायां ॥



## मनुक्खता

करो दान सब्भै बनी जाओ दान्नी ।

रबै कवियें दी लेख लिखदी एह कान्नी ।

कदर इत्थै होंदी मनुक्खता दी आई ।

मनुक्खता गै भारत दी रेही ऐ नशानी ॥

सभनें छा बड्डा इ 'यै दान साढ़ा ।

जे दाजै दे नां दी नेई लैचे दोआन्नी ।

जि 'नें जात बाकेदा दाजै दी खातर ।

उं 'दी इत्थुआं पिछड़ी परतानी जान्नी ॥

नेई बोल सुनचै कुसै दी बी जीभा

जे दाजै गित्तै फूकी छोड़ी जनानी ।

उ 'नें गी असें पक्क लाना ऐ लाम्बू ।

जेहडें फूकदे धी ब्याहियै बगान्नी ।

अवगत जाना तां वेशकक पुच्छो ।

किन्ने तोलें दी थ्होग ठाके च गान्नी ।

चक्कर चरासीं दा मुकदा जे तां गै ।

करो जिंदगी उसदे कदमें च छान्नी ॥

तेरा राम सीता तुगी पक्क लब्भग ।


की बैठीदी मैहल आसें दी ढान्नी ।

करदे न जेहड़े समाजै गी गन्दा ।

यमदूतें चेता नोयानी ऐ नान्नी ॥



नेई लक्क त्रुटै कुसै बी गरीबै दा ।  
 नेई रुलदी लब्भै कुसै दी जोआन्नी  
 कित लेखै लड़ना तेभिड़ना....मड़ो ।  
 तुस करो सोच दुनियां च सारी गै फान्नी ॥



## शंगार

सबरी दा तू सूट सेआई लै ज्ञान दी लेई लै चादर,  
मिट्टी वाणी बोल्ली-बोल्ली कर सारें दा.....आदर।

धर्म, शर्म ते लोक लाज दे गैह्णे सारे पाई लै,  
मानवता दी लेइऐ रंगत लाली बिंद बनाई लै।

राम नाम दी बिंदी लाई लै हरि नाम दा कज्जल,  
नकली हार शंगारै अंदर जिंद नेई करेयां खज्जल।

नित्त नियम दा नैत बनाई लै पूजा पाठ दा चूड़ा,  
ध्यान दी धूनी लायां ऐसी रंग चढ़ी जा गूढ़ा।

मंदी गल्ल कुसै कन्नै करने दा जो करदा कोडर,  
चेहरा ओह्न्दा सदा चमकदा नेई लोड़दे पोडर।

सतसंग दी कंगी कन्नै अपने बाल सोयारी लै,  
नेकी गी पतवार बनाइऐ जीवन बेड़ी तारी लै।



## वत्त

जे जिन्दगी दा समझना चाहनां ऐ अर्थ तूं ।  
 तां नेई गोआ फजूल गै समां व्यर्थ तूं ॥  
 सुखनें ते लैंदा रौहनां ऐ रामा अवतार दे ।  
 पैह्लै ते बनिए दस्स हां लशमन जां भरत तूं ॥  
 बाल्ली मनै दी जोत लै गुरूऐं शा ज्ञान दी ।  
 साह्लियै जोतां नेई मनाऽ डेट आफ बर्थ तूं ॥  
 की बेलगाम होएदा बददा गै जारना ऐं ।  
 विषिएं दा घोड़ा अपना पिछड़ा गै परत तूं ॥  
 मुक्ति दा मार्ग लब्धना नेई सदगुरू बिना ।  
 लक्खां करी लै बेशक्क फाके ते बर्त तूं ॥  
 गैं पुट्टने शा पैह्ले पिछड़ी नजर ते कर ।  
 चेता करी लै अपनी कीती दी शर्त तूं ।





## शंगार

सबरी दा तू सूट सेआई लै ज्ञान दी लेई लै चादर,  
मिट्टी वाणी बोल्ली-बोल्ली कर सारें दा.....आदर।

धर्म, शर्म ते लोक लाज दे गैह्णे सारे पाई लै,  
मानवता दी लेइऐ रंगत लाली बिंद बनाई लै।

राम नाम दी बिंदी लाई लै हरि नाम दा कज्जल,  
नकली हार शंगारै अंदर जिंद नेई करेयां खज्जल।

नित्त नियम दा नैत बनाई लै पूजा पाठ दा चूड़ा,  
ध्यान दी धूनी लायां ऐसी रंग चढ़ी जा गूढ़ा।

मंदी गल्ल कुसै कन्नै करने दा जो करदा कोडर,  
चेहरा ओह्दा सदा चमकदा नेई लोड़दे पोडर।

सतसंग दी कंगी कन्नै अपने बाल सोयारी लै,  
नेकी गी पतवार बनाइऐ जीवन बेड़ी तारी लै।



## वत्त

जे जिन्दगी दा समझना चाहनां ऐ अर्थ तूं ।  
 तां नेई गोआ फजूल गै समां व्यर्थ तूं ॥  
 सुखनें ते लैंदा रौहनां ऐ रामा अवतार दे ।  
 पैह्लै ते बनिए दस्स हां लशमन जां भरत तूं ॥  
 बाल्ली मनै दी जोत लै गूरुऐं शा ज्ञान दी ।  
 साह्लियै जोतां नेई मनाऽ डेट आफ बर्थ तूं ॥  
 की बेलगाम होएदा बददा गै जारना ऐं ।  
 विषिएं दा घोड़ा अपना पिछड़ा गै परत तूं ॥  
 मुक्ति दा मार्ग लब्धना नेई सदगुरू बिना ।  
 लक्खां करी लै बेशक्क फाके ते बर्त तूं ॥  
 गैं पुट्टने शा पैह्ले पिछड़ी नजर ते कर ।  
 चेता करी लै अपनी कीती दी शर्त तूं ।



## मेरा बतन

सुर्गे साईं छनाकड़ा भारत मेरा बतन।

सीने च जिसदे बसदे न अनमोल गै रत्न।

सुन्ने दी चिड़ी इसदा इक्क लाडला ऐ नां।

कुतै शैहर सोभदे न कुतै सोभदे ग्रां।

गंगा ते यमुना धोंदियां जिसदे कमल चरण।

सीने च०.....

कुतै पाठ पूजा सुनचदी कुतै सुनचदी अज्ञान।

सब्भै धर्म न किट्टे इसदी बक्खरी गै शान।

सौ-सौ मनांने आं अस जादी दे दिन सगन।

सीने च०.....

गासा च उच्चा फर-फर तूं कर तरंगेआ।

शहीदें तेरी गै खातर हा तन सूली टंगेआ।

चलेआ नेई जोर दोखिएं दा ना कोई जतन।

सीने च०.....

माणं दे लाल नारिएं दे कैन्त सेई गे।

जादी दी जोत जन्दे-जन्दे ओह देई गे।

चानन करी गे आखिए वन्दे-मातरम्।

सीने च०.....

देसै दी सच्ची सुच्ची तूं तस्वीर दिक्खी लै।

कन्या कुमारी दिक्खी लै कश्मीर दिक्खी लै।

पैन्छी बी जित्थै एकता दे पाठ गै रत्न।

सीने च०.....





## रजौरी दी सैर

काली धार मंदर ऐ ते बुड्डे अमरनाथ ऐ ।  
पीरें ते फकीरें आह्ला कन्नै-कन्नै साथ ऐ ।  
भागें आह्ली सक्खनी भरोचदी तजौरी ऐ ।  
फ्हाड़ें दी गोदा दे बिच बस्सीदी रजौरी ऐ ॥

सेव नाशपातियां ते चशमें दा नीर ऐ ।  
सच्च पुच्छो तां एह् बी दूआ कश्मीर ऐ ।  
भाएँ लग्गै तुसें गी ऐ मेरी गल्ल खौरी ऐ ।  
फ्हाड़ें दी गोदा दे विच्च बस्सीदी रजौरी ऐ ॥

सां-सां सूंकदियां चीड़ां सैली सैलिआं  
हुन नेईऊ रेहियां अज्ज गल्ला इत्थै पैहलिआं ।  
मैटाडोरां घूंकदिआं भित्त ठोहरी ठोहरी ऐ ।  
फ्हाड़ें दी गोदा दे विच्च बस्सीदी रजौरी ऐ ॥

गर्मिएं च लोक इत्थै फेरदे न लाड़ियां ।  
बड़े गै मशहूर इत्थै मोठ ते कलाड़ियां ।  
खाई लेओ तुस भाएं साढ़े कोला चोरी ऐ ।  
फ्हाड़ें दी गोदा दे विच्च बस्सीदी रजौरी ऐ ॥

गज्जी-गज्जी ढोल जेल्लै होंदी इत्थै लेतरी ।  
दिन्दे न फ्हाड़ें दे फ्हाड़ पलै बिच्च बेतरी ।  
एकता दे कन्नै लेंदे हिर्ख एह् बटोरी ऐ ।

पहाड़ें दी गोदा दे विच्च बस्सीदी रजौरी ऐ ॥

छल्लिएं गी लोक इत्थे आखदे न कुक्कड़ी।  
खीरा बरसांती आह्ला कुं गली तनक्कड़ी।  
मक्कें आह्ला ढोडा अज्ज खाना भोरी भोरिए।  
पहाड़ें दी गोदा दे विच्च बस्सीदी रजौरी ऐ ॥

नारदाना खोड़ ते दातनी दे ढेर न।  
कुदरती सगातां इत्थे दिक्खी लै चफेर न।  
गीजा चौलें आह्ली अज्ज भरी लै हां बोरी ऐ।  
पहाड़ें दी गोदा दे विच्च बस्सीदी रजौरी ऐ ॥

भारती जोआनें दियां हैन इत्थे छौनियां।  
गैर कोई खुत्त करै भरदे न तौनियां।  
बैरिएं दी मुन्डी दिन्दे पलै च मरोड़िए।  
पहाड़ें दी गोदा दे विच्च बस्सीदी रजौरी ऐ ॥

चौदरी नाड़, कोट धड़ा, नूरी छम्ब, ढांगरी।  
बगला-बडेयाला दिक्खो भाएँ दिक्खो खांडली।  
सोभदी ऐ कन्नै-कन्नै बुधल बकोरी ऐ।  
पहाड़ें दी गोदा दे विच्च बस्सीदी रजौरी ऐ ॥

जामनू चरोटा चिट्ठी फुल्लीदी कठाड़ी ऐ  
बांदी रूत छार् गेदी अज्ज बाड़ी-बाड़ी ऐ।  
फुल्लेदे न तूत कुतै फुल्लीदी फकोड़ी ऐ।  
पहाड़ें दी गोदा दे विच्च बस्सीदी रजौरी ऐ ॥

बस्सें दे डरै बरें सकंध इत्थे चुक्कीदी।  
छोड़नी सोआरी नेई होऐ भाएँ दुक्कीदी।

सफरै च होन्दी जिन्द भलेआं गै दोहरी ऐ ।  
पहाड़ें दी गोदा दे विच्च बस्सीदी रजौरी ऐ ॥

कुतै पाठ पूजा कुतै सुनचदी अज्ञान ऐ ।  
इखे नै राँह्दे सारे बनी इक्क जान ऐ ।  
सिद्धे सारे लोक गल्ल करी दिन्दे कोरी ऐ ।  
पहाड़ें दी गोदा दे विच्च बस्सीदी रजौरी ऐ ॥

संजां बेल्लै सिड़कें पर लांदे न फराटियां ।  
बाहरा दे मलाजम इत्थै करदे न मलाटियां ।  
गप्प छप्प मारदे न मूहें नै मूंह जोड़ि ऐ ।  
पहाड़ें दी गोदा दे विच्च बस्सीदी रजौरी ऐ ॥

रलिये द्राहली कन्नै लैहर सकतोई दी ।  
बगदी गै जारदी ऐ मस्ती च बतोई दी ।  
लंगी जंदी पत्थरें गी देई-देई लोरी ऐ ।  
पहाड़ें दी गोदा दे विच्च बस्सीदी रजौरी ऐ ॥

तत्ता पानी जाइयै कोई करदा शनान ऐ ।  
कोई “माता मनमा” दा दिखदा स्थान ऐ ।  
टेकी लै हां मत्था मना तुम्मी हत्थ जोड़ि ऐ ।  
पहाड़ें दी गोदा दे विच्च बस्सीदी रजौरी ऐ ॥

पंज पीर, पलमा ते दुधा धारी मंदर ।  
भाएं दिक्खो “शाहदरा-शरीफ” जेइऐ अंदर ।  
इक्कै साढ़ा परम पिता इक्के साढ़ी मौरी ऐ ।  
पहाड़ें दी गोदा दे विच्च बस्सीदी रजौरी ऐ ॥





## मेरा शहर कठुआ

आयो डुग्गर देसै दा में दस्सां शैहर कठुआ ।  
 इस शैहरै दे लेखा नेइं जे शैहर कोई बी दूआ ।  
 बड़ा छनाकड़ शैहर कठुआ दिक्खना ई तां पुज्ज ।  
 इक्क पासै जेदै बगदी रावी दुऐ पासै उज्ज ।  
 उज्ज डैम तुस जाइऐ दिक्खो लग्गीदी ऐ कंद ।  
 लम्म सलम्मी नैहर खिच्चिऐ बन्नेदा ऐ नंद ।  
 नैहरें बिच्चा खिंडिऐ खेत्तर खेत्तर फिरदा सूआ ।  
 आयो डुग्गर देसै दा में दस्सां शैहर कठुआ ।  
 इस शैहरै दे लेखा नईं जे शैहर कोई बी दूआ ।  
 भाएं रोआरली बंड फिरो तुस भाएं पारली बंड ।  
 हैंड पम्प दे पानी इत्थै पाहन कलेजै ठंड ।  
 नगरी "बाला सुंदरी" माता मां काली जसरोटै ।  
 बम-बम करदा कोई ऐरमा भड शिवें दी घोटै ।  
 हर माहनू दा लब्भदा इत्थै रंग गलाबी सूहा ।  
 आयो डुग्गर देसै दा में दस्सां शैहर कठुआ ।  
 इस शैहरै दे लेखा नईं जे शैहर कोई बी दूआ ।  
 जम्मू ते कशमीर रेयासत दा ऐ इ'ऐ चेहरा ।  
 बैरी जे कोई पा भसूड़ी पाई लैंदे न घेरा ।

नसदे उसगी राह नेई लब्भदा नक्केई लगदा धूं।  
 ऐसी नानी औंदी ऊ चेता मुड़िए नेई करदा मूंह।  
 ठंडा मिट्टा पानी इत्थै रोज भरोचै खूआ।  
 आयो डुग्गर देसै दा में दस्सां शैहर कठुआ।  
 इस शैहरै दे लेखा नई जे शैहर कोई बी दूआ।

बौलिएं दे उप्पर बेइऐ करदे लोक सलाहीं।  
 बड़ी गै सत्या आहली इत्थै बूआ जी दी बाई।  
 तारें दी छामा च जेइऐ इत्थै होंदे नित्त स्नान।  
 लक्खां माहनू टेकन मत्थे कन्नै कष्ट मटान।  
 मूंह मंगा फल पाइऐ करदे धन्न-धन्न ऐ बूआ।  
 आयो डुग्गर देसै दा में दस्सां शैहर कठुआ।  
 इस शैहरै दे लेखा नई जे शैहर कोई बी दूआ।

लौह्के लौह्के पिंड न इत्थै बुधी ते बरवाल।  
 सामधाम 'नरसिंह जी' महाराज बैठेदे घघोआल।  
 कुसै चीज दा घाटा नेई ऊ कुदरत दी ऐ मेहर।  
 बागें बूह्टे चौने कूटे लग्गेदे न ढेर।  
 बड़ा सोहामा सोहभै खेत्तर खिड़दा फुल्ल टट्टा।  
 आयो डुग्गर देसै दा में दस्सां शैहर कठुआ।  
 इस शैहरै दे लेखा नई जे शैहर कोई बी दूआ।

बोलदी लब्भै मूंहा चित्रकला बसोहली आहली  
 राजें आहली इ'नें बरासत किन्नी शैल संभाली।  
 धरती दे रखवाले इत्थूं दे करसान।  
 रक्कड़ कंढी दिक्खी-दिक्खी कदे नेई ढेरी ढाहन

पैरें भाएं पेई जा चंडी भाएं पवै फलूआ ।  
आयो डुग्गर देसै दा में दस्सां शैहर कठुआ ।  
इस शैहरै दे लेखा नई जे शैहर कोई बी दूआ ।

लुत्त कढुती कुसै नेई भाखी गल्ल सनांदे सिद्धी ।  
बैर भाव जे कोई करै तां छोड़दे उसगी खिद्दी ।  
डंगर बच्छू धार-धार सोभन दांद गवां ते झोटे  
देसी चुल्ल ते चौका देसी, देसी बालन गोहटे ।  
रोज पतीला चाढ़न सुच्चा पिच्छे लाइऐ तूआ ।  
आयो डुग्गर देसै दा में दस्सां शैहर कठुआ ।  
इस शैहरै दे लेखा नई जे शैहर कोई बी दूआ ।

मंदरें आह्ला शैहर कठुआ खड़कन इत्थै टल्ल ।  
उप्पर जेइऐ लैना केह ऐ सुर्ग बनेदा खल्ल ।  
कुतै सनोचन पाठ, सनोचै कुतै गुरें दी बाणी ।  
कुतै चढ़ीदी लब्धै भोले शंकर जी दी जान्नी ।  
कोई मनांदा गणपत इत्थै बाहन जिसदा चूहा ।  
आयो डुग्गर देसै दा में दस्सां शैहर कठुआ ।  
इस शैहरै दे लेखा नई जे शैहर कोई बी दूआ ।





## कृष्ण लीला



होआ जन्म भगवान कृष्ण दा देवकी मां ही बड़ा ब्याकल ।  
 वासुदेव जी नै तारन हार गी रातों रात पजाया गोकल ॥  
 लाड लडां दे खेडां करदे पूरे कट्टे ब'रे त्रै ।  
 नित्त नमें सिर नमां बनेदा औंदा प्रभु दे गित्तै ग्रैह् ॥  
 रोज-रोज दे रप्पड़ दिक्खिए ब्रजराज जी होइऐ तंग ।  
 गोकल त्यागिए बृन्दावन बिच्च आई बसे गोपें दे संग ॥  
 जारां साल ते सत्त महीने प्रभु नै ब्रज दे बिच्च गजारे ।  
 मुक्ति दित्ती केइएं गी ते केई राखश जान्नों मारे ॥  
 ब्रजबासिएं गी चलाकी कन्नै झट्ट मकाने दा ।  
 राजा कंस नै दित्ता साद्दा धनष यज्ञ कराने दा ॥  
 कृष्ण पक्ख दी तिथ्थ त्रयोदशी कन्नै फग्गन म्हीना हा ।  
 दुष्ट कंस दे हिरदे अंदर पेआ बचार कमीना हा ॥  
 सोचदा हा जे ब्रज वासिएं कन्नै कृष्ण ते एह् बलराम ।  
 किट्ठे गै मथुरा दे अन्दर देड करी में कम्म तमाम ॥  
 कृष्ण भगत अक्रूर जी मथुरा दौनें गी लेइऐ आई गे ।  
 कन्नै-कन्नै प्रभु गी कैस दी बिचली गल्ल सनाई गे ॥

मथुरा बिच्च प्रभु दा होन्दा पूरा आदर ते सत्कार ।  
 गोआल बालेंगी लेइऐ प्रभु जी दिक्खन टुरी पे नगर बजार ॥  
 धनष यज्ञ दा आया वेल्ला ढोल नगारे बज्जी पे ।  
 दुष्ट कैंस दे चार चपासै राखश सब्बै गज्जी पे ॥  
 कक्ख कम्म नेई आई बनी बनाइदी रेही गेई चाल ।  
 कैंस नै मथुरा बिच बुलाया अपने हत्थें अपना काल ॥  
 मल्ल युद्ध च प्रभु नै कीता केइएंगी फीता फीता हा ।  
 धनुष भंग बी कीता कन्नै कैंस दा बध बी कीता हा ॥  
 राज तिलक फही देइऐ राजा उग्रसैन दा कीता मान ।  
 मथुरा बासिएंगी प्रभु नै मुड़िए नमां बखशे आ जीवन दान ॥  
 गुरुदेव सान्दीपनी जी दे आश्रम पुज्जे दोऐ जने ।  
 च'ऊंठें दिनें च सारिआं विद्यां सिक्खी लेइआं झट्ट उ'नें ॥  
 विद्यावान बनी गे जिसलै श्री कृष्ण जी ते बलराम ।  
 आई गे वापस मथुरा करिए गुरु देव जी गी परनाम ॥  
 प्रभु दी आज्ञा कन्नै जिसलै विशवकर्मा नै कीता ध्यान ।  
 बिच समुंद्र दे, द्वारकां पुरी दा होई गेआ निर्माण ॥  
 जरासंध दा खौफ दिलें चा भलेआं करी मकाई दित्ता ।  
 सुत्तेदे गै मथुरा वासिएंगी द्वारका पुरी पुजाई दित्ता ॥  
 हरण फही कीता रुक्मिणी दा द्वारका पुरी पजाआ हा ।  
 विधिपूर्वक उसदे कन्नै उत्थै ब्याह रचाआ हा ॥

राजसूयज्ञ च प्रभु दी पूजा युधिष्ठिर नै जंदू कीती ही ।  
 शिशुपाल दे उप्पर उसलै बड़ी बुरी गें वीती ही ॥  
 सड़े फकोएदा प्रभु गी मंदे-मंदे बोल गलान लगा ।  
 भरी सभा बिच्च प्रभु गी भैड़े-भैड़े लांशन लान लगा ।  
 सौ शा उप्पर टप्पेआ जदूं तां चक्कर सुदर्शन चली पेआ  
 दिखदे-दिखदे सार पलै दे अन्दर शिशुपाल गी स'ली गेआ ॥  
 शिशुपाल गी मुक्ति दित्ती, द्रोपद सुता दी रक्खी लाज ।  
 लाई सदामा कन्नै यारी, विदुर दे जाई सोआरे काज ॥  
 योग कन्नै फही त्यागी बैठे अपना रूप श्री बलराम  
 दिब्ब शरीर कन्नै गोलोक धाम पधारे श्री कृष्ण भगवान  
 आयो सारे श्रद्धा कन्नै प्रभु गी शीश नोआई लैचै  
 जो किश गीता बिच लिखेदा घर-घर जाई सनाई लैचै ॥





## शीशा

कित लेखै ओह फौटू कं 'दा, शीशा जेहदा युगें शा गन्दा ।  
 बैन बछूरे पान्दा बैतल, आपूं एठ बशाइयै फन्दा ॥  
 अवगत फिरदा चार चपासा, हक्क पाराया जो नर खन्दा ।  
 पल-पल पन्जै भूत नखेड़न, सिद्दी बत्त बनाइए दन्दा ॥  
 कार्ज सिद्द बनांदा उ 'यै, आपूं बनियै नाई नन्दा ।  
 रिशते नाते साक बत्थेरे, च 'ऊं दिनें दा सारा मन्दा ॥  
 लक्ख चरासीं बिच नचांदा, मोहमाया दा चिट्ठा चन्दा  
 काया कैचन मैहल सोआरे गूढ़ ज्ञानी फिरिए रन्दा ॥  
 निम्मोज्ञानी छोड़ मना तूं, खट्ठी लै किश जन्दा-जन्दा ।  
 एह मन शीशा जो नेई गोलै केह पशानै फोटू बन्दा ॥



## नमां लाड़ा

सुरमा पाया सैन्ट छोआयां मूंहें गी लाया पो'डर ।  
 निच्छ नेईमारेओ सेहरा लान्दे करन जनानिआं को'डर ॥  
 तिल्ले आह्ली अचकन पाइयै चूड़ीदार कट'न्ना ।  
 घोड़े उप्पर लगा बौहन जदूं बेदुम्बा खड़कन्ना ॥  
 इक्क नै आक्खेआ नजर मारिऐ लाड़े गी ओ भाई ।  
 चन्नै जे इस मुखड़े उप्पर शेव गेदी जे आई ॥  
 हो'न्दी जे बदसगनी लोहाएओ हून सिरा नेई सेहरा ।  
 सनै सेहरै दे नाइऐ दी हट्टी मारी आयो फेरा ॥  
 कीता आटो सालम लाड़ा शर्मै दा हा मारा ।  
 टैम हा थोड़ा लब्भा नेई, होर कोई उस लै चारा ॥  
 हट्टी पुजदे कट्ट लगा ते होआ चपासै न्हेरा ।  
 आटो आह्ले गी लब्भी गेआ इक्क तगड़ा नेहा फेरा ॥  
 लाया उस अन्दाजा जे इत्थै लग्गना ऐं हाली टैम ।  
 खिच्चिऐ मारी किक्क मनै चा कडिडऐ सारा बैह्म ॥  
 रेहा झांकदा चोरी-चोरी लाड़ा शेव कराइऐ ।  
 सोचै चंगा मिगी फसाआ जोकर शैल बनाइऐ ॥

ना रेहा ओह् अन्दरै जो 'हगा ना ओ बाहर खड़ोए ।  
 मौजू लैने गी थड़े दे लागै कट्ठ जानें दा होए ॥  
 हट्टी आहलेगी मुफते बिच्च इक्क शोह पीस गेआ थोई ।  
 पूरे म्हीने जिन्नी गाह् की उस दिन उसगी होई ॥  
 गुस्से कन्नै लाल सुरख जदूं होआ उसदा चेहरा ।  
 आल माल नेई कीती उसनै झट्ट लोहाएआ सेहरा ॥  
 दाऽ तक्कि यै छाल खिच्चिऐ बाहर थड़े दे मारी ।  
 हनुमान नै जि'यां लैकां रावन दी ही साड़ी ॥  
 गुच्छ मगुच्छा करिऐ सेहरा कच्छी हेठ दवाआ ।  
 मुक्किआं बट्टिऐ घरै दी बक्खी ओह्, द्रौड़दा आया ॥  
 अन्ने बाह् उस द्रौड़दे लगा विच्च गली दे ठिड्डा ।  
 पेआ मूं'हें दे भार होई गेआ चेहरा फिड्डा त्रिड्डा ॥  
 पग्ग लोहांदे सार गैं ऐसी बदसगनी ही होई ।  
 नमें समें उस लाड़े दी नेई शक्ल पशानै कोई ॥  
 टीके लग्गे कुतै-कुतै तां जिन्द नमानी छुड़की ।  
 तौनी कोला डरदे होई गेआ आटो आह्ला झट्ट दुड़की ।  
 मन्नो मत्त सेआनें दी तां नेई पौन्दा पछताना ।  
 बरती जा किश होनी तां पिच्छुआं पौन्दा पछताना ॥





## रावण

सालो-साल फकोंदा रावण फही बी रावण मरदा नेई ।  
 सच्च दस्सां तां राम कलयुगी गल्ल सेआनी करदा नेई ।  
 आइऐ अज्ज विभीषन इत्थै करादे सुल्लू-गुल्लू न ।  
 प्रभु दे सक्के बनिऐ सिद्धा करादे अपना उल्लू न ।  
 दिनें-दपैहरीं फिरा दा राखश कदें कुसै शा डरदा नेई ।/सालो-साल..  
 राम दी मैहमा गान्दे-गान्दे उमर गजारी सारी लेई ।  
 कित लेखै जे रावण कन्नै फही बी गंढी यारी लेई ।  
 पाठ अखंड करांदे सारे, अमल कोई बी करदा नेई ।/सालो-साल..  
 त्रेतायुग दा रावण यारो मतिएं गल्लें चंगा हा ।  
 भाएँ इन्दर लोक च म्हेशां पाएदा रखदा पंगा हा ।  
 नित्त बगान्ने बोझे कुतरिऐ खीसे हा ओह भरदा नेई ।/सालो-साल..  
 अमर खोआने गितै रावण कोल हा अमरत कुंड बड़ा ।  
 पर कलयुग दा रावण पापी धोखेबाज दे लुंड छड़ा ।  
 खा करदा ते घुरका करदा शर्म दना बी करदा नेई ।/सालो-साल....  
 डांगां-सोटे नेई गूरो, तुस नेई गूरो गुरमुत्तें गी ।  
 रावण कदें बी नेई फकोंदा फूकी-फूकी बुत्तें गी ।  
 छड़ा गरजदा डिगल जेहड़ा कदें बी यारो ब'रदा नेई । सालो-साल...  
 राम ते बनना छोड़ो यारो इस गल्ला बिच दूरी ऐ ।  
 भरत बनो सभनें शा पैहले जेहड़ी गल्ल जरूरी ऐ ।

जीवन बेड़ा नफरत सागर अन्दर कदें बी तरदा नेई । /सालो-साल....  
 विषय वासना अहंकार गी अज्ज माहनू नै गंडे दा ।  
 नेई कुसै गी बी डर हून रेहदा कालबली दे डंडे दा ।  
 जोर-जबरदस्ती कन्नै डंगर बी चारा चरदा नेई /सालो-साल....  
 केह् नकारे बान्दर हे पर सच्चाई दे गाह्की हे ।  
 पलै च मुक्के राखश जेह् डे लान्दे अम्बर टाकी हे ।  
 झूठै दी जित्त कदें नेई होन्दी, सच्च कदें बी हरदा नेई । /सालो-साल....  
 हर नारी एह् पैहले दस्सै जे ओह् सती सवित्तरी ऐ ।  
 हर माहनू बजरंगी आंगर राम कन्नै पा मित्री ऐ ।  
 पही दिक्खी ऐ रावण भुल्लिए नजर त्रेड्डी करदा नेई । /सालो-साल....  
 आओ राम दे आदर्शे दे उप्पर सारे चलचै अस ।  
 तीर चलाइऐ सच्चाई दे पापी रावण स'लचै अस ।  
 राम राज्य दे अन्दर गै फिर र'वै जुल्म कोई जरदा नेई । /सालो-साल....




## विद्यार्थी जीवन

विद्या कन्नै करो दोस्ती नींदर कन्नै बैर ।  
 तौले भामें सेई जाओ पर उट्ठो पिछले पैहर ॥  
 उट्ठो पिछले पैहर प्रभु गी टेको पैहलै मत्था ।  
 शीरबाद लैने गी मड़ेओ कक्ख नेई लगदा हत्था ।  
 झूठ, जूठ ते चोरी चुगली जेहड़ा माहनू करदा ।  
 आन्ड गोआन्ड ते म्हल्ला उसगी थुक्की-थुक्की भरदा ॥  
 बुड्डे नै जो करै मशखरी कन्नै दन्द चकाऽ ।  
 आयु घटदी पक्क नोआंडी नर्के गी ओह जा ॥  
 माता पिता बुजुर्गे दा जो करदा आदर मान ।  
 उस्सै दा जस गान्दा आया म्हेशां सारा ज्हान ॥  
 गुरूयें कन्नै जेहड़ा म्हेशां बैर बरोध कमांदा ।  
 सुखी कदें नेई रौहन्दा, रौहन्दा सदा गै वित्तोतान्दा ॥  
 लड़ना भिड़ना छोड़ो मड़ेओ नेई होशिआरी दस्सो ।  
 बिन्द कताबें कन्नै लाइयै कदें ते यारी दस्सो ॥  
 लग्गी जांडन सेही ठकाने उप्पर तुन्दिआं अकलां ।  
 मारनिआं नेई पौडन फ्ही मतेआन्नं विच्च बी नकलां ॥



विद्या धन अनमोल चोर नेई इसगी कदें बी खूसै ।  
 ओह् ऐ चतर सजान जो बच्चा इस अमरत गी चूसै ॥  
 जीवन ऐ विद्यार्थी दा मड़े ओ बड़ी तपस्आ ।  
 करी लैओ तां चानन नेई तां रौहन्दी काली मस्सेआ ॥  
 आयो किट्ठे होइऐ अज्ज एह् ज्ञान दी जोत जगाचै ।  
 शरद्धा कन्नै बगदी गंगा विच्च चलोबी लाचै ॥



## ननाथ (घगवाल)

( अखण्ड परमधाम दी स्थापना दे मौके पर )

सन्तें दा करी लैओ साथ लोको ।  
 स्वर्गपुरी बनी ऐ ननाथ लोको ॥  
 इक्क पासै नरसिंगें दा दिक्खो बास ऐ ।  
 दूऐ पासै बांके बिहारी दी रास ऐ ।  
 होई गेई ऐ कैसी करामात लोको ।  
 स्वर्गपुरी बनी ऐ ननाथ लोको ॥  
 होई गेई ऐ स्थापना 'अखण्ड परम धाम दी' ।  
 नित्त इत्थै चर्चा ऐ माह्नु दे कल्याण दी ।  
 लग्गा रौह्ना लंगर ऐ दिन रात लोको ।  
 स्वर्गपुरी.....

कल्लै तोहड़ी जेहड़ी एह् धरती बरान ही ।  
 अज्ज इत्थै बगदी ऐ गंगा गै ज्ञान दी ।  
 भक्ते दी बैठी ऐ जमात लोको ।  
 स्वर्गपुरी.....

संत सुभाष शास्त्री जी भागवत न वाचदे ।  
 भगते ते सेवकें गी चंगी चाल्ली जाचदे ।  
 बंडदे न ज्ञान दी सगात लोको ।  
 स्वर्गपुरी.....

दिन रात कीतेदा शास्त्री जी ने इक्क ऐ ।  
 कुसै गित्तै कुतै नेई मनै विच्च फिक्क ऐ ।  
 इन्नी गै बस इन्दी ऐ खुराक लोको ।  
 स्वर्गपुरी.....

अखण्ड परम धाम जी ऐ जिसलै सोआरना ।  
स्वामी श्री परमानंद जी नै पधारना ।  
दस्सनी ऐ गल्ल जि'नें खास लोको ।  
स्वर्गपुरी.....

लगने न ध्यान, साधनां ते होने योग न ।  
मुक्की जाने जिन्दू गी जो लग्गेदे रोग न ।  
होना ऐ बमारिएं दा नास लोको ॥  
स्वर्गपुरी.....

गौशालां बननिआं स्कूल बी न चलने ।  
बड़े लाडें-लाडें नै ओह्बी इत्थै पलने ।  
बच्चे न जेहड़े अनाथ लोको ॥  
स्वर्गपुरी.....

कीता जि'नें दानिएं भूमी दा दान ऐ ।  
अज्ज उत्थे दूरै-दूरै तोह्ड़ी छायावान ऐ ।  
कन्नै-कन्नै लिशकदी कनात लोको  
स्वर्गपुरी.....

कार सेवा करने गी सारे गै तेआर न ।  
बैरिएं दे बैरी न ते यारें दे एह् यार न ।  
सेवकें दे दिक्खो हां जज्जबात लोको ।  
स्वर्गपुरी.....

दिक्खी लैती दुनिया दुखें दा जंजाल ऐ ।  
मनै विच्छ आया जंदू बी बोआल ऐ ।  
चुक्की लैती कलम ते दोआत लोको ।  
स्वर्गपुरी.....

सन्ते दा जिसदे कन्नै शीरवाद ऐ ।  
दुनिया सदा उसदी गै रौहन्दी आवाद ऐ ।  
होन्दा कदे चित्त नेई दोआस लोको  
स्वर्गपुरी.....





## चाह

कुत्थै गे ओह् घ्यो दुध ते मट्ठा मक्खन छाह् ।  
चौनें पासें अज्ज गड़कदी लभदी दिक्खो चाह् ॥

इस औतरी चाही नै केई कालजे साड़े ।  
रंग फिरी गे चिट्टे जेहड़े होन्दे कदे हे गाड़े

उट्ठ सबेला जयाने दिक्खो चाही आस्तै लड़दे ।  
घर-घर रोज सबेला ठीकर चाही आस्तै चढ़दे ॥

कोइ परौह्ना जा कुसै दे चाह् टकांदे आनी ।  
निकके बड़्डे लोकें दी चाह् बनी पटरानी ॥

बौहने बेलै, सौने बेलै, नमां कम्म कोई पौने बेलै ।  
जागतें गी पढ़ने बेलै, मती चढ़ा 'ई चढ़ने बेलै ॥

बच्चा, बुड़्डा, नर ते नारी, सारे दफ्तर बी सरकारी ।  
भुक्खी एहदी जनता सारी, दिक्खो लग्गी केह् बमारी ॥

उठदे सार गै विच्च बिस्तरे मूं'ह हत्थ नेई धोतेदा ।  
राम नाम गी भुल्ले मूं'हें गी चाह् प्याला छोतेदा ॥

अक्खी खुलदे गिल्लुऐ गी चाह् गै जिसगी लब्धै ।  
सारी उमरी उस गी की'आं घ्यो दुध फही फव्वै ॥

माऊ बव्वै दा घर छोड़दे जूठा भांडा मांजी ।

टी स्टालें इक्कै प्याली रौहन्दी सब दी सांझी ॥  
 चूटी सारा दुध छोआना चून्ढी सारी खंड ।  
 बारां म्हीने रवै गड़कदी ए नखस्मी रन्ड ॥  
 भले जमाने ऐ हे पिछले भला हा उन्दा जीना ।  
 पै-पटोन्दे डन्ड कड्डि ऐ घ्यो दुध गै पीना ॥  
 पैदल कुतै जे आवै बारी केई करोह फही मारन ।  
 जोरे आहले कुसै बी कम्मै गी कदें नेई माहनू हारन ॥  
 तदूं नेई ही आं सिड़कां मोटर गड्डी ते नेई कारां ।  
 उप्पर गोडें हत्थ रक्खिऐ टप्पनिआं केई धारां ॥  
 अज्ज कुसै जे थुक्कन जाना हेठ स्कूटर ताऊ दा ।  
 पैदल फसी जा कुतै तां दिन्दा गैं नेई पुत्तर माऊ दा ॥  
 इक्क दुए पर सड़े दा पौन्दा ऐ माहनू अज्ज इ'यां ।  
 घर घर रोज सवेला दिक्खो चाह गड़कदी जि'यां ॥





## कलयुगै गी बिनती

हे कलिकाल, कलयुग स्वामी ! तुस होर नेई जग दा नास करो ।

प्रभु भगतें दे हिरदै बिच्च नेई छन्दा अपना बास करो ॥

टैलीबिजन दे परदेँ उप्पर लभदा रूप थोहाड़ा गै ।

जित्थै बी चरण थुआड़े पौन्दे होन्दा पक्क जोआड़ा गै ।

जय-जयकार मती होन्दी जदूं गल्ल नमीं तुस खास करो ।

हे कलिकाल, ००००००

ज्यानें आहली होई गेदी ऐ चौड़ ऋट्टी भलेआं गै ।

धर्म, शर्म ते लोकलाज दी पोचिऐ पट्टी भलेआं गै ।

पच्छमी सखिएं कनै तुस नेई अद्धनंगी एह रास करो ॥

हे कलिकाल, ००००००

नरकपुरी लेई ब'ज्जा करदे मेल न सारे अगें गै ।

ज्ञान दी चर्चा सुनने गितै फेल न सारे अगें गै ।

तुस बिशिएं दे पाठ पढ़ाइऐ होर नी इ'नेंगी पास करो ।

हे कलिकाल, ००००००

थाहर-थाहर कला क्लेश न कलयुग थां-थां तुं'दी लीला ऐ ।

कोई थाहर नेई खाली जित्थे खड़कै अज्ज पतीला ऐ ।

नैएं कच्छा खंडाइऐ पलै च तुस नेई बक्खरा मास करो ।

हे कलिकाल, ००००००



पण्ड पापें दी चुक्की-चुक्की लग्गी गेदे लागे न ।  
ज्ञान दा सूरज चढ़ेआ मसेआं-मसेआं माहनू जागे न ।  
मुड़िऐ बत्त भलाइऐ उ 'नैं गी नेई अपना तुस दास करो ।  
हे कलिकाल, ००००००

इ 'यै दौर रेहा चलदा तां नमीं पीढ़ी दा होग पही केह ।  
द्वापर आहली मक्खन मिसरी दस्सो इ 'नेंगी थ्होग पही केह ।  
डूंगी सोचें डुब्बें दे गी होर नेई अज्ज दोआस करो ।  
हे कलिकाल, ००००००

कलयुग बिच्च ऐ नाम दी महिमा गुरू म्हात्मा आखन सैंत ।  
इस ब 'रै ते खुशिएं कन्नै असेंगी मनान देओ बसैंत ।  
म्हेशां जोर जबरदस्ती नैं नेई अपनी गुड्डी गास करो ।  
हे कलिकाल, ००००००


सुन्ने दी इस चिड़ी गी तुम्बो नेई कलयुग जी होर मता ।  
मन्नेआ जे तुन्दी बाहमें च सभनैं छा ऐ जोर मता ।  
चार ध्याड़े जीना ऐ नेई इसदे खज्जल सोआस करो ।  
हे कलिकाल, ००००००







(ढोगरी)  
**भजन यात्रा**



-विजय शर्मा